



Quintá - A Grade (San Vicente) - Chantada, 1978

Informante: Concha Casal Eiriz “Concha do Casal”

Compilador: Miguel López Coira

Autores da recolla: Miguel López Coira e Xosé Figueroa

Transcripción: Paula González

“Boas noites, Maruxiña,
que cansadiño che veño,
dame un tallo pra sentarme
porque eu de pé non me teño.”

“E que milagro, Peruxo,
vir hoxe tan sofocado
non sei que traerás de novo
por aí algún milagro.”

“Pois tráigoche unha noticia
que agora che vou contar,
veño saber se me queres
porque eu quérome casare.”

“Pois se te queres casar
eu xa che estou rabeando
así que se ti me queres
casámonos de contado.”

“Pois logo nos casaremos”,
contestoulle Peruxiño,
“porque agora no inverno
non para o demo co frío.”

“Eu tamén estou trembando”,
dixolle a tía Maruxa,
“sempre cando vou á cama
teño que ir soprando as uñas.”

“Pois pra quitar ise fríu
hai que buscar un remedio,
esta noite, Maruxiña,
é millor que nos xuntemos.”